

國朝諸臣奏議

四



諸臣奏議

國朝諸臣奏議卷第九

君道門

慈孝上

上 英宗論謹始數事

司馬光



臣愚竊惟 先皇帝春秋未甚高以 宗廟社稷之重昭然
遠覽確然獨斷知 陛下仁孝聰明可守大業擢於宗族之
中建為嗣子授以天下其恩德隆厚踰於天地固非微臣所
能稱述今不幸奄奔萬國 陛下哀慕泣血以夜繼晝過於
禮制以至成疾中外聞者無不感泣知 先皇帝能為天下
得人治平之期企踵可待羣臣百姓不勝大幸今者 聖體
痊平初臨大政四海之人拭目而視傾耳而聽舉措云為不

口十

一

五

可不謹易曰君子以作事謀始召誥曰王乃初服嗚呼若生
子罔不在厥初生自貽哲命夫為政之要在於用人賞善罰
惡而已三者之得則遠近翕然嚮風從化可以不勞而成無
為而治三者之失則流聞四方莫不解體綱紀不立萬事隳
頽治亂之原安危之機盡在於是臣願 陛下難之謹之精
心審慮如射之有的必萬全取中然後可發也 陛下思念
先朝欲報之德奉事 皇太后孝謹撫諸公主慈愛此誠仁
孝之至過人遠甚臣願 陛下雖天性得之復加聖心夙夜
匪懈謹終如始以結億兆之心形四方之化則福祿流於子
孫令問壅於無窮矣古者人君嗣位必踰年然後改元臣願
陛下循典禮勿有變更於中年也三年之喪自天子達於

漢人一也自漢氏以來始從權制以日易月臣願 陛下雖
節遠遺詔俯徇羣情二十七日而釋服至於宮禁之中音樂
遊燕吉慶之事皆俟三年然後復常以盡謹終遠遠之義高
禮為人後者為之子故為所後服斬衰三年而為其父母齊
衰不杖期為所後者之親皆如子而為己之親皆降一等蓋
以特重於大宗則宜降其小宗所以專志於所奉而不敢顧
私親也漢宣帝自以為昭帝後終不敢加尊號於衛太子史
皇孫光武起於布衣親冒矢石以得天下自以為元帝後亦
不敢加尊號於鉅鹿都尉南頓君此皆徇大義明至公當時
歸美後世頌聖至於哀安屬靈或自旁親入繼大統皆追尊
其祖父此不足為孝而適足化表侵禮取譏當時見非後世

臣願

陛下深以為鑑杜絕此議勿復聽也凡此數者伏計

陛下聰明皆素知之然臣復區區進言誠懼不幸有詭諛之

臣不識大體妄有開說自求容媚 陛下萬一誤加聽從聖

言一出布聞於外則足以傷 陛下之義虧海內之望臣雖
欲捐軀爭之亦無及也是以不敢不先事而言庶幾聖德純
粹全美不有秋毫之缺使一夫竊議於草萊者臣之志也輕

冒 宸嚴不勝惓惓惶悸之至 嘉祐八年四月上時為
天章閣待制知諫院

上 葉宗論兩宮當相持為安 司馬 光

臣聞天地交謂之泰天地不交謂之否天地者上下之象也
施諸人事君仁而臣忠父慈而子孝兄愛而弟恭皆泰也君
不仁臣不忠父不慈子不孝兄不愛弟不恭皆否也泰則上

下之情通內外之志和國以之治家以之安否則上下之情塞內外之志乖國以之亂家以之危治亂安危之分不在於他在於審察不恭之端而已矣書曰立愛惟親立敬惟長始于家邦終于四海自古聖王治天下之道未有不自孝慈始者也恭惟 先帝屬籍之親凡數百人獨以天下之業傳於聖明 皇太后承顧命之際鎮撫中外決定大策其恩德隆厚踰於天地何可勝言 皇帝至性烝烝哀以執喪恭以致養夙夜憂勞以成疾疹其於慈孝之美可謂至矣然臣猶竊有所懼不可不過慮於萬一先事而進言者臣聞金隄千里潰於蟻壤白璧之瑕易離難合况社稷之重非特金隄也骨凶之親非特白璧也在於守之至謹執之至固全美無間然

後福祿無疆也夫姦邪之人專闖主意苟有罅隙則因而乘之於是離間人君臣交闢人父子使之上下相疾內外相疑然後得奮其詐謀以盜其大權私其重利自古以來喪國敗家未有不由此者也今雖 睿聖在上朝廷清明中外之臣咸懷忠良然禍福之原其來甚微舉措聽納不可不謹臣愚竊惟今日之事 皇帝非 皇太后無以君天下 皇太后非 皇帝無以安天下 兩宮相恃猶頭目之與心腹也 皇帝聖體平安之時奉事 皇太后承順顏色宜無不如禮若藥石未效而定省溫清有不能周備者亦 皇太后所宜容也孔子曰孝哉閔子騫人不間於其父母昆弟之言蓋言誠信純至表裏著明而他人不能間也孟子曰父子責善賊

恩之大者也蓋言骨肉至親止當以恩意相履不當較錙銖之是非也臣愚伏望 皇帝常思孔子之言 皇太后無忘孟子之戒萬一姦人欲有開說涉於離間者當立行誅戮以明示天下使咸知謬妄之徒不能欺惑聖明也方今天地鬼神羣臣百姓無不歸心 兩宮以為安若兩宮權忻於上則天地鬼神得以歡其禮祀鳥獸草木得以遂其生息況羣臣百姓孰不願保首領以樂太平之化哉

嘉祐八年六月 上時知諫院

上 慈聖皇后乞益加慈愛

司馬 光

臣聞聖人之德使四海之外編戶之民皆輻湊而歸之如孝子之奉父母其故何哉推仁愛惻怛之誠以加之也故詩云豈弟君子民之父母夫四海至遠也編戶至微也誠之至也

卷之

九

四

七

猶可以為之父母况閭門之內血氣之親乎昔漢明帝馬皇后無子明帝使養曹貴人之子烜以為太子且謂之曰人不必自生子而患愛養不至耳后於是盡心撫育勞悴過於所生及明帝崩太子即位是為章帝章帝亦孝性純篤恩性天至母子慈愛始終無纖介之間前史載之以為美談臣恭惟仁宗皇帝憂繼嗣之不立念 宗廟之至重以 皇帝仁孝聰明選擇於宗室之中使承大統不幸踐祚數日遽嬰疾疹雖 殿下撫視之慈無所不至然醫工不精藥石未效竊聞 殿下以此之故不能堪忍 兩宮之間微相責望羣心憂駭下寒而慄今 仁宗新弃四海 皇帝久疾未平天下之勢

危於累卵惟恃 兩宮和睦以自安如天覆而地載也豈可
效常人之家革語言細故使有絲毫之隙以爲宗廟社稷之
憂哉臣是用日夜焦心隕涕側足累息寧前死而盡言不敢
幸生而塞嘿也伏以 皇帝內則 仁宗同堂兄之子外則
殿下之外甥壻自童幼之歲 殿下鞠育於宮由天下至親
何以過此又 仁宗立以爲皇子 殿下豈可不以 仁宗
之故特加愛念包容其過失耶况 皇帝在藩邸之時以至
踐祚之初孝謹溫仁動由禮法此 殿下所親見而明知也
苟非疾疹亂其本性安得有此過失哉夫心者神明之主也
若其有疾則精爽迷亂冥然無知言語動作不自省記不識
趨諛不擇貴賤此乃有疾者之常不足恠也 殿下聰明睿

卷二

卷二

卷二

卷二

知天下之理無所不通豈可責有疾之人以無疾之禮耶今
殿下雖日多憂勞徒自困苦終何所益以臣愚見莫若精擇
醫工一二人以治 皇帝之疾旬月之間察其進退有效則
加之以重賞無效則威之以嚴刑未愈之間但宜深戒左右
謹於侍衛其舉措語言有不合常度者皆不得以聞庶幾不
增 殿下之憂憤 殿下唯寬釋聖慮和神養氣以安靖國
家綱紀海內俟天地垂祐聖躬痊復然後舉治平之業以授
之不亦美乎古之慈母有不孝之子猶能以至誠惻隱撫存
愛養使之內愧知非革心爲善况 皇帝至孝之性稟之於
天一旦疾愈清明復初其所以報於盛德豈云細哉臣之愚
慮苦言盡此而已乞 殿下更賜裁擇

嘉祐八年十月
知諫院

上 英宗乞益致孝謹

司馬 光

臣先於四月二十七日及六月二十三日皆曾上疏以

下受 仁宗皇帝之天下欲報之德當奉事 皇太后孝謹

撫諸公主慈愛勿使姦邪之人有所離間致 兩宮有隙以

貽宗廟之憂下為羣生之禍叩心瀝膽極其懇惻未審臣

言得達 聖聽或萬幾之繁未嘗奏御也此乃成敗之端安

危之本不可不察臣聞漢章帝乃賈貴人之子明帝使明德

為皇后母養之后慈心撫育勞悴過於所生章帝亦孝性淳

篤恩性天至母子慈愛始終無纖介之間馬氏三舅皆為卿

校列侯賈貴人終不加尊號賈氏親族無受寵榮者此前世

美事今日所當法也詩云父兮生我母兮鞠我拊我蓄我長

五

九卷

六

切

我育我顧我復我出入腹我欲報之德昊天罔極然則父母

之恩不獨以其生己也拊蓄長育居其大半焉 陛下自

亂之年為 皇太后所鞠育恩亦至矣又况今日為 仁宗

皇帝之嗣承四海之大業乎臣謂 陛下宜夙興夜寐昏定

晨省親奉甘旨承順顏色無異於事 濮王與夫人之時也

近者道路之言頗異於是紛紛籍籍深可駭愕臣竊惟 陛

下孝恭之性著於平昔豈容一日遽肯變更蓋婦者 聖體

未安之時舉動語言或有差失不能自省而外人訛傳妄為

增飾必無事實雖然此等議論豈可使天下聞之也周書曰

小人怨汝詈汝則皇自敬德古人有言曰禦寒莫如重裘御

暑莫如自修 陛下疾疹未平固無如之何 既愈之後臣

愚伏望 陛下親詣 皇太后閣克已自責以謝前愆
朝夕侍養左右先意承志動無違禮使大孝之美純粹光
過於未登大位之時如此則上下咸悅宗社永安今日道路
妄傳之言何能為損也古之至孝者無有不慈之母猶能使
之感悟驩悅回心易慮况 皇太后聖善之德著聞四方自
陛下有疾以來日夜泣涕禱於神祇憂勞因悴以冀 陛下
之安寧如耕者之望收涉者之求濟 陛下豈不思有以慰
安之也臣不勝區區干冒以聞之留神采擇嘉祐八年十一月十一日
上時知諫院

上 英宗乞 上奉慈闈以公孝德 臣 誨

臣聞置天下方乎置壽考者蓋在君之者審乎安危之勢所以
有守成之難有持盈之戒者正謂是矣我 太祖 太宗造

宋之艱難承五季之弊平諸夏以為一揆生靈於塗炭安眾
海於覆盂 真宗以神武定二虜以文德緩萬方薦功高厚

著于金石 仁宗在宥四十二年循持憲度何嘗殺一不辜
失一有罪惠澤下流有生畢遂可謂仁信之至集百年之昌

期慕 四聖之不緒矣而褒豫鄂王相繼不育天其意者以
陛下當其歷數錫之休命席平成業有以恢隆萬世之基而

又知 先帝明哲拔 陛下於公族授之以震器 皇太后
鞠養聖躬保護成德一旦恭宣玉几之命謀先輔弼之功

陛下安步中外帖然功德為重矣恩德為厚矣 陛下報之
之道宜如何哉然自踐祚三日之內親決數事至明燭理人

皆悉下有望於治平矣屬以聖候爽和嬰仍于今竊聞所

手刺未嘗服餌太醫診脉而不敢言病內臣依違而不敢違
願良以天威違拂震懼靡遑日度一日殊不知誤天下之大
美且首金之子尚有倚衡之誠而萬乘之貴殊無保邦之慮
耶荆又聞流議騰沸謂 陛下視朝之後燕適宮中言動無
節嗜笑不常執喪之禮未至奉親之道或闕以至晨昏省問
曠絕者踰月虧損盛德莫大於此但外臣不知端倪果如是
乃 陛下重違天意不以繼承為念忽 先帝顧託之命輕
萬乘崇高之體忘 聖母鞠育之恩違孝子承顏之道何以
上奉宗廟率教於天下也臣重思違豫而來已逾半歲萬幾
之事都無可否而賴 皇太后處內大臣盡心中外循常理
軍民無怨言直以累聖恩德浹人之深爾尚恐曠日持久人

心動搖變生於內將安寄處臣竊為 陛下寒心也臣備真
諫列既有所聞痛心疾首敢復緘默以謂 聖帝明主好聞
已過忠臣孝子不隱其情是以懇懇切言不避諱忌伏望
宸聰循省既往不遠而復起居必謹言動必思上奉慈闈克
全孝德念 先帝付託之重審置器安危之勢知良藥可以
利病則勉勤服餌謂忠言可以利行則廣其開納流言自弭
休聲日至天下幸甚

嘉祐八年十一月
上時同知諫院

上 慈聖皇后乞調治聖躬建立儲副 呂誨

臣竊以兩漢而後諸侯王入繼聖統者甚衆或以功或以賢
或以親或以黨四者之繼隆替之所係以功與親皆有所當
不以親於親而繼之者未有不基乎禍亂而致乎風俗

之類是也千百載之下爲之監戒今上生而敏睿天資英哲
先帝知其曆數在躬又當近屬實以親而賢授之寶器及誕
告于外謹聲翕然 殿下以積勲之後配德 仁宗主宣陰
教天下蒙福上自潛德之初 殿下鞠育保護者三十年矣
先皇厭代宣導遺旨掌握機柄佐佑聖嗣克安天下永我帝
業丕功茂實固不待愚臣一二而談矣上違豫而來重煩聽
斷庶務允輯中外賴焉比聞流議喧傳上疾未間言或荒忽
承顏之禮時有所闕 殿下幾至不能容覆外臣固測謂
之然矣臣竊慮小人乘間幸 兩宮如是陰爲交鬪必生他
事 殿下察其素履知其有疾故當責忠臣之輔助擇太醫
之調理又聞上意自倦服藥以致醫工以無效驗然病者苦
其眩眩斯亦常情誠恐奉御之人但能備禮不敢強以服餌
積日之深其誤不細惟 殿下廣平容納之度忘其惰慢之
禮親閱湯劑力爲調治強之以嚴威撫之以恩愛如此人神
和悅得下降祐上之起居必遂安適不然恩禮中闕慈孝兩
失人言不已其如天下何其如宗廟何其如 先帝何三十
年保育之功一朝而弃臣竊爲 殿下惜之臣重思療治之
法即如是言萬世之計敢不爲 殿下陳論漢馬皇后畢明
帝世克全美德以至鞠養章帝勞悴過於所生母子慈愛始
終無纖介之隙章帝終爲賢聖之主其保助亦已明矣史冊
書美世遠益光臣伏願 殿下循修以爲法度念 先帝之
顧託體聖躬之憂危宮中聞言不可不察方四海顛顛日甚

振治萬機取決不可持疑雖神宇暫勞而 宋祚安矣後
躬平和還居清淨無忙壽考豈不休哉況淮陽王及諸孫天
資淳篤宜均撫育以盡愛慈繼繼承承本根為重儲副之位
安可暫虛 殿下宜上承天意下順人心謀及輔臣助成君
德早議建立旁絕覬覦則廟社之福天下之幸 嘉祐八年十
一月上時自
知課

上 英宗之奉養始終如禮

司馬 光

臣竊聞近日 陛下聖體甚安奉事 皇太后昏定晨省未
嘗廢闕非獨羣臣百姓之福乃宗廟社稷之福也 陛下既
為 仁宗皇帝之後 皇太后即 陛下之母也今濮王既
歿 陛下平生孝養未盡之心未施之於 皇太后將何所用

十一

九

十一

或臣聞君子受人一飯之恩猶不忍負之必思報答况 皇
太后有莫大之德三 陛下豈可斯湏忘之 先帝立 陛
下為嗣 皇太后有居中之助一也及 先帝晏駕之夜
皇太后決定大策迎立聖明二也 陛下踐祚數日而得疾
不省人事中外眾心悼惑失措 皇太后為 陛下攝理萬
幾鎮安中外以俟痊復三也有此一德者則 陛下子子孫
孫報之不盡况兼三德而有之 陛下所以奉養之禮若有
絲毫不備四海之人其謂 陛下為如何天地鬼神其謂
陛下為如何此不可以不留聖心也今 陛下已能奉養如
禮而臣復區區進言者誠欲 陛下戒之謹之始終無倦外
盡其恭內盡其愛使孝德日彰令聞四達以叶天下之望保

萬世之祿而已若萬一有無識小人以細末之事離間陛下母子不顧國家傾覆之憂而欲自營一身之利者願陛下付之有司明正其罪使天下曉然皆知陛下聖明仁孝不負大恩而讒佞不能間也

治平元年二月
上時知諫院

上 英宗乞謹奉養勤聽斷 司馬光

臣累曾上言之 陛下加意奉養躬親萬幾言辭澁訥未蒙采納臣竊惟當今切務無大於此是敢不避斧鉞重有敷陳至於奉親之禮報德之義為君之職訪善之道臣邇來文字敘述已詳不敢復煩 聖聽獨以目前利害言之 陛下誠詳擇焉竊以 皇太后母也 陛下子也皇太后母儀天下已三十年 陛下新自藩邸入承大統若萬一兩宮有隙

陛下以為誰逆誰順誰得誰失又 仁宗皇帝恩德在民歲

於骨髓 陛下受其大業而無報之則何以慰天下之望若 陛下去矣 皇太后之愛下失百姓之望則雖有大賢之位將何以自安凡人主所以保國家者以有威福之柄也故民畏之如神明愛之如父母今 陛下即位將近暮年而朝廷政事除拜賞罰一切委之大臣未嘗詢訪事之本末察其是非有所與奪臣恐上下之人皆以為常威福之柄實有所移則雖有四海之業將何以自固位則不安業則不固於陛下果何所利乎 陛下必以為為事 皇太后之禮止如是亦不失矣親萬幾之務 如是亦無闕矣臣竊以為為不可臣聞 陛下昔在藩邸事 濮王承順顏色備盡孝道凡宮中之

事濮王皆委 陛下幹之無不平允 陛下寧 皇太后當
一如濮王然後可視天下之政當一如宮中之事然後可况
濮王之親以恩 皇太后之親以義其奉養之謹非特有所
加則無以取信也宮中之事小天下之事大其聽斷之勤非
特有所加則無以致治也僕奉養極其謹聽斷極其勤則
陛下仁孝之名流於萬世英養之德達於四表宗廟永安子
孫蒙福於 陛下有何所害而又肯為哉凡此利害之明
有如日黑取捨之易有如反掌 陛下今日回意易慮猶未
為晚若固守所見終無變更臣恐日月寢久覺隙愈深不可
復合威權已去不可復收後雖悔之或無及已臣受 國家
累世大恩不敢愛死為 陛下極陳社稷之計肝膽所蓄盡

此而已伏望 陛下少留意察之

治平元年三月
上時知諫院

上 英宗乞謹奉養勤聽斷係第一 司馬 光二

臣近以私懇求鄉便一州伏蒙 聖恩令宰臣宣諭以臣曰鄉
所言事略皆施行令臣且在諫院供職未得求出臣以爲下
之所實生於盛明之世得備諫官為幸已大况 陛下謙恭接
下容受直言此乃愚臣千載一遇畢命報國之秋豈願離去
左右自弃於踈遠之地誠以父母墳墓又不展省人子之心
皇皇不安所以有此陳乞今忽奉 聖旨宣諭如此臣惶恐
慚悚無地自容夙夜循省進退維谷臣竊惟鄉時所言欲
陛下以事濮王之禮事 皇太后又欲 陛下延訪羣臣躬
親政事今 陛下雖奉事 皇太后加於往日猶未及事

漢王之時承顏順意曲盡歡心也雖省覽庶政猶未嘗訪問
羣臣講治亂之切務也 陛下若以二者爲止當如此則兩
宮之意無由和洽萬幾之務無由治辨禍亂之原尚在太平
之期尚遠臣雖日侍丹房有何所益 陛下若奉養之禮日
增月益訪求治道勤勞不倦使 慈母歡忻於上百姓安樂
於下則臣雖在遠方猶在 陛下之側也臣聞爲人子者事
其親而親不悅不敢怨也退而自責曰我之愛不至歟愛至
矣而猶不悅則曰我之禮不恭歟禮恭矣猶不悅則曰我之
誠不盡歟誠既盡矣則大孝之名達於四海通於神明神明
且猶助之而况人乎臣又聞爲人君者視天下有一事不治
以爲已過有一民失所以爲已憂天下已安已治矣猶復思
將來之患而豫防之天下才肯無事也在人君思與不思而
已矣思之則治安不思則亂危 陛下儻能以此二者自勉
則臣安敢廢公家之急而徇私家之務乎 治平元年三月
上時知諫院

上 英宗乞親決政事而內盡子道

呂 誨

臣恭聞近日 聖體平復中外均慶然萬機之事未聞親決
議者謂 陛下遜避有所待焉果如是恐未爲順敢不爲
陛下委曲而陳之且以兩漢而下母后臨朝者衆皆嗣君冲
幼親爲輔翊並坐簾帷之下專其聽斷幼君既長有復辟之
議今日之事有異於是 先帝拔 陛下於公族之中以賢
且長付託之意正爲今日也嘗 陛下遑豫之時非 皇太
后內輔則政無所寄大臣建策於國忠也然而 陛下臨朝

舊前殿百官朝罷兩府大臣方至內東門是綱領柄權行於
於手陛下自未專決何所待也臣伏望 宸衷感悟無以
此為念唯內勤孝養率中宮盡禮則婦姑之情相接母子之
愛益親躬修政務操守威福日與近臣講求治道事無過舉
體斯為順自然 皇太后慰安恩意無間燕適深宮優游清
靜含飴手孫不復關政豈非 皇太后之心耶臣區區罄言
是矣

治平元年三月
上時知諫院

國朝諸臣奏議卷第九

十四

十四

十四



國朝諸臣奏議卷第十

君道門

慈孝上

上 英宗乞講奉養隆顯 皇太后之禮

傳 堯俞

臣竊惟 皇太后有旨更不於內東門同聽朝政臣伏以
皇太后佐佑 先帝拔 陛下於藩邸有不得已遂權同機
務又清躬和豫舉神寶以歸之其始終恩德可勝道哉 陛
下天畀仁孝思所以報塞固無窮已雖然自去年以來淺見
若妄意言暴中事頗有浮議流於人間此睿聽所具悉者也
今 陛下於九重之內雖日極曾閔之志行以奉事 皇太

孝上

十卷

一

文虎

后天下安得遽聞臣謂且順承顏色既致其悃幅又取奉養
隆顯之禮可以使士民共知者速講而數為之自然 聖孝
之聲亟傳於四海如是則端拱無為長享天人之助矣至於
給事 皇太后之人向者既未得專力於 陛下苟見 皇
太后復辟慮其智識鄙短未能測乾坤之量不免有所疑畏
臣謂宜錄其勤勞少推恩例上足以慰母后慈憲之意下足
以安左右疑懼之心愚慮所及不敢不言惟 陛下矜其在
愚而特加收採則不勝幸甚 治平元年五月上時
為殿中侍御史裏行

上 英宗論治身莫先於孝治國莫先於公

司馬 光

臣伏觀 皇太后手書已罷聽政 陛下鈔承慈旨 萬

幾臣聞易曰君子以作事謀始又曰正其始萬事理差之憂
釐謬以千里 陛下雖踐阼其年於國家大政猶多所謙抑
雖時有處分皆崇謙小事非天下所以望於陛下者也
時外間議者皆曰 陛下聖體未安倦於聽覽及知聖體已
安又曰 陛下上壽 皇太后之嚴欲盡人子之禮避尊命
之嫌謂聰明未衰謂設今皇太后舉國家大柄盡付之
陛下則議者無復可言唯拭目傾耳以瞻望 聖政而已矣
陛下當此之際治身治國舉措云為不可不謹昔楊朱見岐
塗而泣謂其可以左可以右所差甚微所失甚大也人王即
政之初亦榮辱安危之攸塗也臣故願 陛下留聖心焉臣
聞治身莫先於孝治國莫先於公孔子曰孝德之本也又曰

晉書

卷之十

二聖大元年刊補本

不愛其親而愛他人者無以之悖德不敬其親而敬他人者謂
之悖禮未有根絕而蕪蕪涸而流長者也 仁宗皇帝以
四海大業授之 陛下其德之大天地不足以為比今登
遐之後骨肉至親獨存 皇太后與公主數人 陛下所當
日夜盡心竭力供奉撫養以副 仁宗皇帝之意婦者皇
太后聽政之時左右侍衛之人不敢不恪求須之物無敢不
備既委去政柄臣竊慮有無識小人隋執傾移侍奉懈慢供
給有闕則天下之責皆歸 陛下此不可不留意朝夕省察
者也又若有不逞之人於無宮之間刺探動靜拾拾言外
如效忠內實求媚以相聞者臣願 陛下逆拒其辭執付
有司加之罪一人則衆亦自退縮言則言辭俱進此

乃禍亂之機不可不深察也臣聞國事聽於君家事聽於婦
臣愚以為陛下在外朝之時刑賞黜陟之政當自以聖心
決之至於禁庭之內取捨賜予事無大小不若皆稟於皇
太后而後行陛下與中官初有所專如此則內外之體正
尊卑之序明慈母歡忻於上臣民頌詠於下矣不然皇
太后歸政之後若侍衛之人稍有怠惰求湏之物小失供擬
加以讒邪妄與離間萬一有絲毫闕失流聞於外或皇太
后憂思不樂內生疾疢則陛下何以勝此名於天下哉雖
百善不能掩矣臣故曰治身莫先於孝也洪範於好惡偏黨
之際六爻言之重之至也周任曰為政者不當私勞不罰私
怨大學曰欲明明德於天下者必先正其心有所忿懣則不

得其正有所好樂則不得其正陛下舊發言聲入纂皇極
爰自潛躍至於天飛舊恩宿怨豈其能盡無然今日即政之初
皆不可置於聖慮以害至正也凡人君之要道在於進賢退
不肖賞善罰惡而已爵祿者天下之爵祿非以厚人君之所喜
也刑罰者天下之刑罰非以快人君之所怒也是故古者爵
人於朝與士共之刑人於市與眾弃之明不敢以己之私心
蓋天下之公議也今以四海之廣百官之眾有賢有愚有善
有惡比肩接迹雜運並進臣願陛下少留聰明詳擇其間
苟有才德高茂公及於人望者進之雖宿昔怨讎勿弃也有器
識庸下無補於時者退之雖親舊姻婭勿取也有勵行立功
為世所推者賞之雖意之所惜勿廢也有懷姦效犯禁為眾所

疾者罰之雖意之所愛勿救也如此則野無遺賢朝無曠官
為善者勸為惡者懼上下悅服朝廷大治百姓蒙福社稷永
安不然陛下若專居深宮自逸威福之柄盡委大臣
取適目前不為遠慮賢愚不分善惡失實則所進者皆平生
所親愛所退者皆平生所不快所賞者皆諂諛而無功所罰
者皆忠諒而無罪如此則中外解體紀綱隨紊羣生矣所天
下可憂矣臣故曰治國莫先於公也此二者榮辱之大本安
危之至要臣願陛下審思而力行之詩云豐豐文王令聞
不已陛下誠能行此二者則盛德美譽滂沛洋溢近者傳
誦遠者慕歎不過旬月之間徧於天下達於四夷後日之政
如順風吹毛乘高決水可以不勞而成功矣

治平元年五月
上府知諫院

上 慈聖皇后乞母子之間恩信相接 司馬 光

臣竊見去歲 仁宗皇帝捐棄萬方 皇帝嗣統之初憂哀
成疾 殿下念社稷之重同聽庶政以安羣情今聖體復初
四方無事 殿下推而不居自取安逸動靜之節無不合宜
率士臣民孰不稱頌臣不自量度欲成 殿下之全美猶以
燬燭之微明仰禛日月之盛光伏惟 殿下稍寬其罪而然
聽其辭臣竊以治家之道貴賤踈疎人情一也嘗觀天下士
民之家其長幼羣居長者或思意不備衣食不豐幼者或容
貌不恭語言不遜若幼者孝恭而不怨長者慈惠而不責則
上下雍睦家道以興若幼者以為怨長者以為責則上下乖
離家道以衰其始相笑也其微而終為怨也甚大又加以讒

人間之於是乎有父子相親兄弟相疾亂虐並興無所不至者矣凡閨門之內子婦有以孝恭之心至者則尊親當歡然以慈愛之心接之若其有過則當以忠厚之心教之教之備矣而猶不聽則雖責之可也罪之可也及其既改則又當復以歡心接之不可以一忤顏色而終身惡之遂不可解謝也故骨肉之間有威怒而無憎疾有詰責而無猜忌此自古聖人所以御其親之道也臣竊惟 皇帝皇后於 殿下兼內外之親幼蒙保育今日為萬民父母豈夫天下富貴孰云非殿下之力臣謂 殿下固且撫存愛念情同所生周旋保護以終大惠不可偶以纖介之失遂蓄人長之怒棄生成之厚恩取踈絕之深怨愚智所同知也 皇帝去歲得疾之時禮

貌言辭誠有可疑得罪於 殿下者臣固已嘗言於 殿下云不可責有疾之人以無疾之禮也凡醉而有過醒猶可赦况有疾之人不自省知本非意之所欲為豈可違數以為罪咎邪 皇后自童孺之歲朝暮遊戲於 殿下之懷分甘哺果拊循愛育有恩無威今既正位中宮得復奉膳羞盥悅以事 殿下其意忤昔山之愛不自踈外猶以童孺之心望於殿下故或有所求湏不時滿意則愠對怨望不能盡如家人婦姑之禮 殿下雖怒之責責之固其宜也誰曰不可但事過之後 殿下若遂棄之不復收恤憎疾如仇讎則臣以為過矣臣在闕門之外無由知禁廷之事竊聞道路之言未嘗虛實皆言近日 皇帝與皇后奉事 殿下恭勤之禮甚在於

生時而 一丁遇之太嚴接之太嚴或時時見 殿下
之坐如待踈客語言相接不過數句頃刻之間已復遣云
此母子之恩如何得達婦姑之禮如何得施所以使之疑或
恐懼不敢自新者蓋以此也臣竊惟 殿下母儀天下逾三
十年柔明之譽洽于中外 皇帝龍潛藩邸進德修業仁聖
之望光于遠邇 先帝以至公大義選賢建嗣海內之人皆
謂繼統之日慈孝之風必自家刑國誠不意閭巷之民忽有
今茲異論推其本原蓋由 皇帝遇疾之時宮省之內必有
讒邪之人造飾語言互相間諜一則欲詐效小忠以結 殿
下之知僥求祿位二則自知過失素多畏嗣君之嚴有所不
容三則欲竊弄權柄惡長君聰明使已不得自恣是以日夜

四六 十卷 六 頁

闕覘拾掇絲毫之失無不納於 殿下之耳 殿下雖至聰
哲不能無疑雖至仁慈不能無怒 皇帝以剛健之性屈於
衆口無以自伸能不憤悒遂使兩宮之間介然相失久而不
解流聞于外致朝野之士有敢竊議其是非者深可惜也今
夫誘其衷 殿下潛發慈旨卓然遠覽舉天下之政歸之
皇帝此乃宗廟之靈生民之福然臣竊料讒邪之人心如沸
湯愈不自安力謀離間彼皆自營一身之私非爲 國家與
殿下之計也臣願 殿下深察其情勿復聽納斥遠其人勿
置左右召諭 皇帝以嚮來紛紛皆此屬所爲自今以後每
予之間當坦然無疑 皇帝必涕泣拜伏感激摧謝然後
言之歡一比日如舊凡 皇帝而皇后進見之際 殿下之

以溫顏留之從容來往一請勿加限絕或置酒語笑與之欣
欣相待一如家人之禮如此則殿下坐享孝養何樂如之
心平氣和眉壽無疆國之又安內外無患名譽光美垂於無
窮與夫信任讜慮精防百密終日戚戚憂積生疾國家不寧
禍亂橫生譏謗之言流於後世二者得失相去遠矣且殿
下既能以祖宗之業付皇帝又能以夫教授之而獨於
恩禮之際終不能豁然回心息怒其故何也今宮闈之中
殿下骨肉至親止於皇帝皇后長公主及皇子公主數人
而已其餘皆行路之人於殿下何有若親者尚不可結以
恩信猜而遠之則疎者獨肯受殿下願盡其死力終始
無二乎夫貴莫貴於為天子之母富莫富於受四海之養今

殿下有此富貴而不能自樂親人所可疎疎其所可親使受
恩之子婦彷徨而不自安踴躍而不敢進雖內懷反哺之心
而無以施展臣竊為殿下惜之臣父子皆蒙先帝大恩
擢於常調之中置之侍從之列非木石豈能暫忘今先
帝晏駕之後臣惟不避死亡以非忠直之言庶幾殿下母
子和悅國家安寧是臣所以為無效也不勝區區激切之誠
展布以聞惟留神幸察治甲元年五月上時知諫院

上 英宗乞因降逐任忠諫

皇太后閣陳謝

司馬光

臣伏見 陛下身者即位之初奉事 皇太后虔恭欵至
皇太后撫愛 陛下恩渥周備慈孝之譽宣達於中

外播於遠近聞者無不相慶自聖體不安旬月之間
之人漸有異議皆云因任守忠等本不樂陛下為嗣故於
皇太后之處則言陛下與中宮之短於陛下中宮之處
則言皇太后之失遂使兩宮之心互相猜忌開隙一開猝
難復合今陛下奮發英斷屏斥讒議邪守忠等皆降逐出外
中外之人不勝抃悅然臣愚竊恐皇太后尚未能盡知茲
入之情與陛下所以斥去之意伏望陛下與中宮親詣
皇太后閣頓首陳謝具述從末為守忠等所誤致屢有違忤
皇太后之意今守忠等既去願與皇太后母子之恩一如
舊日然後朝夕與中宮侍養左右膳羞燕衎躬親進獻承順
顏色皆如臣庶之家母子婦姑之禮若左右之人尚有敢相

卷一百一十五

十一

八

此

離間者願陛下立行誅奪勿復有疑如此則讒慝黜遠內
外雍睦善氣與行災沴消之宗廟永安今陛下若失此之
際兩宮之歡不能復舊則恐長無可待之期豈惟當今天
下之人以陛下為非將傳於史策取譏萬世矣此皆聖
明所自知而臣復區區進言者欲陛下深更留意

治平元年八月

上特知悉完博堯俞亦言臣伏見內侍任守忠以罪降黜中
外聞者罔不欣抃罰一樹物百固可以示懲猶有言者真
重加於殫臣謂大蓋之十其過餘惡方日有上聞小人無
知或伺隙下若更加論議其詞且將復起况守忠據權之久
附離者多深慮左右之人有所易望陛下下露發德音自
此一切不問則天德如厚而人心易安皇太后之慈仁布
聞四海聖神器大寶傳付陛下而陛下換堯舜之資以
天下養新用誠孝以敬舞萬物奈何使交關之語得行其間
皇太后必欣然疑釋陛下之福此當益知禮

皇太后必欣然疑釋陛下之福此當益知禮

一 哲宗繳進明道詔書

范純仁

明道二年五月癸酉詔曰 莊獻皇太后夙承先顧保佑
冲人一紀于茲恩勤備至凡號令之所出或聽斷之從宜
日雖機務之繁並用 祖宗之憲永惟慈訓居極孝思而
上封之人罔識大體務為詆訐有佛聽聞其垂簾日除改
及所行詔命不得輒有上言咨爾中外體朕意焉時上躬
攬庶政而日暮多譏斥垂簾日事惡其持情近薄故降是
詔

臣近曾錄明道二年詔書進呈 陛下 稽倣降詔以誠薄
俗至今未蒙施行近聞有狂人傳播擬策自云嘗已進御又

馬執

卷

九

書

臺官章疏或已取用其說甚非陛下尊奉 先太皇太后
勤勞公正保佑聖躬之意此詔書不頒行薄俗恐難禁止臣
今再錄明道詔書繳連上進伏望 聖慈遵 本朝之舊典
法 仁祖之聖孝特降明詔以信萬方夫天下幸甚

貼黃今妄為詆訐者已聞多矣 陛下容之則妨聖孝
懲之則恐不忍不若以詔禁約事得兩全伏望 聖明
早降指揮 紹聖元年四月上時為右僕射

上 欽宗論父子天性宜一於誠 楊時

臣竊惟父子之恩天性也無容私焉一於誠而已矣夫舜之
登庸天下之士悅之人之所欲也而不足以解憂富人之所
欲也富有天下而不足以解憂貴天子而足以解憂惟

順父母為足以解憂夫豈外襲而取之哉心誠有之也其為法於天下可傳於後世本諸此而已孔子曰本立而道生此之謂也恭惟 上皇付 陛下以神器之重天下戴之如天就之如日可謂得所欲矣 上皇東幸未還陛下寤寐念之憂形于色乾龍上壽亦罷而不講是雖貴為天子富有天下不足以解其憂也非 陛下誠於中寧有是夫誠至矣雖天地鬼神猶將感格况於至親乎雖有姦凶造為浮言無自而入矣夫以 陛下之恭孝 上皇之慈仁其心一也父子之懿人無間言自斯以往讒慝自消矣若夫內藏猜慮外矜觀聽則釁自我作欲其無嫌不可得也疑隙一開室之難矣不可不慮也若事干 朝廷當付之公議而已三省者天下公

四十六
小十一

卷

十

馮

議所自出也大臣宜任其責 陛下亦不得而私焉一徇至

公則天下幸甚 靖康元年上時為右諫議大夫

上 欽宗乞迎奉 上皇篤其孝心 陳 公輔

臣恭聞 道君太上皇帝聖駕將還臣不勝鼓舞欣躍之至此 陛下孝誠所感而宗廟社稷之福天下之幸也然議者皆謂 上皇左右有懷姦之臣離間 陛下父子致有疑心臣切怪之竊惟 太上皇帝臨御日久去冬緣夷狄作過深厭萬機欲行遜禪 陛下至誠篤孝感泣退避以至慈諭再三方即大寶此與唐睿宗因星變答天戒遂欲傳位太子皇懼入請其事類矣豈比明皇幸蜀肅宗自即位靈武哉是宜父子懽好之情雖數千百年不復有疑矣若乃 陛下更改

諸事進退大臣賞善罰惡與利除害皆以宗廟社稷為念
合天下公議所以奉承上皇罪己之詔豈有異志邪縱使
姦臣離間百端而上皇慈仁陛下孝愛二十餘年人無
間言豈一旦能入之哉且父子天性上皇於陛下親邪
於羣臣親邪臣謂上皇之親無親於陛下也臣恐臣僚
未悉此意或因道路相傳之言致陛下於上皇自有所
疑此大不可也况上皇聰明睿智寬厚豁達不防姦邪浸
以疑惑今既自感悔斷然不疑以神器授之陛下方未遜
位前已下哀痛之詔追悟宿愆盡革弊事雖禹湯罪己周公
改過無以復加陛下今日所行皆奉行上皇去年十二
月詔書也臣深恐前日所遣如趙野輩不能為陛下感激

敷陳以解上皇之疑臣愚欲望更擇一二重臣削磨以
仍齋陛下親書為開具上皇罪己手詔與今日奉行之
意使釋然無疑然後迎奉上皇備加禮數內自后妃諸三
帝姬外至公卿百官士庶皆出國門使聖意知前日之去
忽遽如彼今日之還光艷如此非陛下承付託之重賊兵
遠遜京師復安政事修舉人心愉快能若是乎以此慰悅
上皇之心方知此時為天子父尊之至也若夫還宮之後一
供奉之物陛下過為儉約上皇務加隆厚者於今式
示四方以勸天下之孝仍乞於宰執侍從臺諫中選有學
識行義明忠孝大節者以請見上皇以備顧問開諭
聖意庶幾究性命之至理以適其位以濟無事之樂願不勝哉

夫堯舜之道孝悌而已矣孝悌之至通于神明光于四海
陛下貴為天子有父可尊此人間莫大之樂伏惟篤其孝心
使誠意昭感無纖介自疑則天地神明保佑聖躬靡所不至
臣將見 陛下全萬年人子之孝而 上皇享萬年天子之
養國祚延長生靈蒙福自今以始豈有窮哉臣一介微臣不
任言責妄意論及 陛下父子之間死有餘責惟 聖慈裁
之不勝幸甚靖康元年三月上時為校書郎

上 欽宗乞迎奉 上皇篤其孝心係第二狀

陳 公輔

臣今月十六日延和殿引對不識忌諱時安有論奏已甘誅夷
而 陛下不以臣狂妄特賜 聽覽更蒙 聖慈擢為諫官

十一

十一

十一

令臣不候受告先次供職顧臣之愚何敢輒當此選臣已一
面具狀辭免然臣以昨來所言有未盡者今輒敢冒死再為
陛下陳之臣初謂 上皇之怒得於道路傳聞未必的也故
不敢深以為言及聞聖語乃知 陛下實有此疑夫為人之
子若果貽父之怒其可一日安乎宜 陛下之所以憂也臣
聞帝王之盛莫加於舜舜之言曰惟不順於父母如窮人無
所歸故人悅之好色富貴皆不足以解憂唯順於父母然後
可以解憂且以瞽瞍之頑而母瞿蒙傲為舜者亦難堪矣舜
終能使瞽瞍底豫而天下化者以盡事親之道而已然則

陛下以舜為非可乎况 上皇以上皇之資有天下之大典
重業二十六年實聰明睿智之主 陛下苟能如舜之孝

寧不足以感動其心而釋其怒哉臣願陛下用臣所言急遣重臣前路奉迎如李綱固可委矣更得一二入節次前去陛下感泣面諭使其上體聖心至誠委曲為陛下言之臣料上皇必無甚怒乃若所改之事如放宮人拆苑園減玩好之具省應奉之物此自是陛下官中所不用者若龍德宮別有所須且當許以一面旋行措置陛下若以奉親故薄有所費百姓知之亦豈敢以為非乎上皇父之視陛下自奉如此養親如此亦必自感悔不復過當矣至於其他改更政事但當遵依上皇去年十二月罪已詔書盡與推行亦可以慰四海之望更在宣諭臣僚行移文字回避語言免有指斥以防姦人得以藉口而激怒也臣又恭聞聖語謂

皇后亦怒意欲先還禁中理會數事此時躁急之言陛下未有以解之耳婦人從夫豈有上皇既處龍德而皇后得居禁中耶若果先還臣固當面奏陛下當出郊奉迎和容遜辭以理開曉皇后若當此理方欣慰不暇豈復有怒心哉若夫聖慮所疑恐上皇還宮左右姦邪去之未盡或尚有蠹國害民侵撓朝政於人情有不可從之事處之為難臣謂此不足憂大臣臺諫當任其責若陛下任用大臣得人臺諫稱職皆以公心直道持紀綱守法度上下內外無所不理雖陛下不可得而私况上皇乎若是則陛下不妨以孝而降私恩德也金人侵犯而陛下威德兼隆宗社復安上皇既歸而陛下至誠篤孝父子無疑自古

帝王盛德有加於此乎此臣所以爲陛下喜也伏惟聖
意勤勤始終如一當使四海生靈受福無疆豈不盛哉靖康
元年三月上拜爲左司諫

國朝諸臣奏議卷第十

君道門

恭儉

上 仁宗乞罷雀珠玉匠

龐籍

臣近者伏見傳降 聖旨差雀珠玉匠珠匠小臣踈駭不知所造服用然而職在耳目之官苟有愚見不敢緘默恭惟陛下自纂位以來積德修道日謹一日近無耽好之玩遠無追求之勞古之聖明未易能過然今水旱相仍公私俱困比有林胡之抗敵西有元昊之兇狡尤宜恭儉齊紀律惜國用以豐實制兵威而震耀臣愚以謂不急之服玩近奢之器物悉宜屏絕以勸天下書曰不矜細行終累大德禮曰無作淫

十一卷

巧以蕩上心願

陛下視珍奇為棄物以奢侈為覆車

昧死瀆 聖唯俟罪戾

明道二年上時為殿中侍御史

上 仁宗封進草子乞抑奢侈

臣昨到太平州界體量安撫本處檢會廣德軍判官錢中孚當塗縣主簿兼嘉祥縣尉溫宗賢等狀稱往諸鄉檢旱竊見貧民多食草子名曰鳥昧并取蝗蟲曝乾摘去翅足和野菜合煮食別無虛妄者臣竊思之東南上供糧米每歲六百萬石至於府庫物帛皆出於民民於飢年艱食如此國家若不節儉生靈何以昭蘇臣今取前件草子封進伏望宣示六官藩戚庶抑奢侈以濟艱難仍乞密下裁造務後苑文思院糧料院檢 祖宗之朝每歲用度之費數自比於今時則奢侈儉

以見伏望 聖慈特降進止則天下幸甚 明道二年七月上
時為右司諫江汝南體量安極

上 仁宗論宮中所需費宜取先朝為則 龐籍

臣伏見連年災異天久不雨臣謂引災消禍在朝廷自修比
年費用奢廣倉廩出納不嚴內中須索既多有司以憑由除
破無緣納較虛實臣竊為凡乘輿所用宮中所費宜取先朝
為則今宿師西鄙力戰車傷方獲功賞而內官醫官樂官無
功時享豐賜故天下指目謂之三官頗少裁損無厚費事專
勵戰功虞寇不足平也 康定元年五月上時為陝西轉運使

上 仁宗諫錄

何 郊

臣竊以古者天子具四時之田所以講威武而勤遠略不徒

十一 卷之六 文

二

事遊戲而翫小娛載之策書具有典法前代伏膺 法駕將
獵近郊中外之人聽者頗感良以去歲車駕出畋羣臣
訖言隨即停罷然茲再舉未諭聖心伏以 陛下繼統以來
動遵法度不怠不獵不數豫游恭儉之風足邁前古而今之
舉事固必有因置 陛下以宇內有年方隅無事故於農隙
以講武經欲為都邑游觀之盛乎抑有獻議者謂田獵之事
具有禮文行之以時蓋舉改典則嚮者諫止之言不足顧乎
告 聖意果然如是先定則非愚臣之所敢議也然其中事
有切於利害者尚可得而言焉恭自 真宗皇帝即位之後
遂下詔書罷放五方鷹鷄獵事未講踰四十年校獵之儀罕
非宿時士卒久不便習其事官司又不素詳其義倉卒而行

必多曠闕竊聞去歲乘輿之出往返甚勞一日之間殆馳百里而又兵衛不肅警蹕不嚴從官不及侍行有司不暇洪億逮於暮夜始入都門此豈非士不習其事官不諳其儀而致然歟而况以騎乘而有疾馳之勞在原野而劬嚴霜之備或御者蹉跌變生銜屨愚民遂誤犯及車鹿原子之罪將何贖焉雖則仁聖之資固有神靈之衛然不可不備非常且西北二隅變故難測豈無姦偽雜於稠人廣衆之中言走而言益可深虞傳曰千金之子坐不垂堂矧於萬乘之尊乎賈誼曰射獵之娛與安危之機孰急今不獵猛獸而獵田鼠不搏強寇而博蓄兔翫細娛而不圖大患非所以為安也伏望陛下能尊出游無重過舉導 訓考詔書之旨念前人警言識

十一卷

奏議

三

之規 游養神樂過從獸共 在御慮 乘危則宗廟生靈實有慶賴臣職當言責理合開陳罔逃厥誅貴少云補慶曆三月上時為殿中侍御史先是上再敗近郊南城之役士不及葦而歸夜有妖燭下殿中占者以為不祥是月詔將復出諫者甚衆知上此疏明日有旨罷職

上 仁宗論乞悉罷燕飲安神養氣

臣等竊見今歲以來災異屢臻日食地震江淮騰溢風雨害稼民多菜色此正 陛下側身克己未敢擅去之時而道路涼言皆云 天子近日宮中燕飲微為過差嘗賚之費動以萬計耗散府庫調歛細民况酒之為物傷性敗德禹湯所禁周公所戒殆非所以承天憂民輔養聖躬之道也 陛下恭儉之德彰信兆民議者皆以為後宮奢縱務相誇尚左右近

臣科於賞賚 陛下重違其請屈意從之天天以剛健為德君以正因為事奈何徇後宮左右之欲土忽天戒下忘民病中不為宗廟社稷深自重惜臣等愚或竊為 陛下不取伏望 陛下當此之際悉罷燕飲安神養氣後宮妃嬪進見有度左右小臣賞賚有節及厚味腊毒之物無益奉養者皆不宜數御以傷於和乃可以解皇天譴告之威慰元元窮困之望保受命無疆之休也 嘉祐六年八月內

上 神宗論百姓侈靡乞身先儉約 劉述

臣竊觀方今天下之事可謂困弊之極矣如久疾之人肢體羸弱氣息奄奄不能自持所可恃者脉理未倦而已誠得良醫而救藥之輔其氣血調其飲食時其寒溫庶幾可以復全

十一卷 奏議

四

用得

也 陛下有明德嘉道學庶政醫之良者也所謂輔其氣血者輕徭薄賦以寬民力以固民心俾無怨畔是也調其飲食者道民務本教之儉約雖有水旱之困而無捐瘠之患是也時其寒溫者為擇良守宰以撫綏之利有可與者興之害有可去者去之是也百姓習於久安競以侈靡相尚居處服月率多僭差婚姻喪葬不計其費而以不若人為恥因而產者有焉其致非他繇禁令不設故也管子曰倉廩實而知禮節衣食足而知榮辱若禁令不設人得自恣則倉廩實矣曰而實衣食奚由而足欲望其知禮節榮辱不可得也教化之行率自上起臣愚竊望 陛下躬行節儉以化天下臣聞

大相皇帝常服淨濯之衣與服用皆尚質素寢殿設壽

葦簾宮闈施布幕無文錦之飾嘗出麻履布裳以賜左右曰
此我舊所服者也 真宗皇帝嘗謂輔臣曰國家所務儉約
為先當須節用愛人以富庶天下張齊賢對曰書稱大禹克
儉于家老氏三寶儉居其一上好儉則國有餘財下不僭則
家有剩貲如此則天下自然富壽矣大哉聖人之德皆能抑
情損欲而以身率人也如是經曰一之事上也不從其所令
從其所好上好是物下必有甚者也臣固願 陛下躬行節
儉以化天下也至於賜予之事非有功德可以激勸於人者
不可輕為也昔韓昭侯使人藏弊袴侍者曰君亦不仁矣弊
袴不以賜左右而藏之昭侯曰非爾所知也吾聞明主愛一
噲一笑噲有為噲而笑有為笑今夫袴之與噲笑遠矣吾必
待有功者而與之善哉人君之不妄賞人也如是古人有言
曰人主不妄賞非徒愛其財也賞妄行則善不勸不妄罰非
徒矜其人也罰妄行則惡不懲賞不勸謂之止善罰不懲謂
之縱惡在上者能不止下為善不縱下為惡則國法立矣
陛下誠能以身先之然後敕下有司設為科條以絕僭侈之
弊仍戒飭長吏使傳諭朝廷之意務崇約素以厚風俗若是
則民之生業日益厚矣雖遇水旱之困而有儲蓄以禦之矣
民財既充國用復省則徭賦之事自然輕薄矣茲實太平之
基而萬世之利也在 陛下勤而行之固而執之耳臣不勝
惓惓之懇 治平四年上時為御史

嚮家召對便殿親奉德音以爲凡在館閣皆當深思治亂指陳得失無有所隱者是以臣每見同列未嘗不爲道陛下此語非獨以稱頌盛德亦欲朝廷之間如臣等輩皆知陛下不以疎賤間廢其言其獻所聞以輔成太平之功業然竊謂聖人不如實而人自勸欲知陛下受其言之實莫如以臣試之故臣願以身先天下試其小者上以輔助聖明之萬一下以爲賢者小其可否則以此獲罪萬死無悔臣伏見中使傳宣下府市司買浙燈四千餘盞有司其實直以聞陛下又令減價收買見已盡數拘收禁止私買以湏上令臣始聞之驚愕不信咨嗟累日何者竊爲陛下惜此舉動也臣雖至愚亦知陛下游心經術動法堯舜窮天下之嗜慾不足以易其樂盡天下之玩好不足以解其憂而豈以燈爲悅者哉此不過以奉二宮之歡而極天下之養耳然大孝在乎養志百姓不可以戶曉皆謂陛下以耳目不急之玩而奪其口體必用之資賣燈之民例非豪民舉債出息蓄之彌年衣食之計望此旬日陛下爲民父母惟可添價貴買豈可減價賤酬此事至小體則甚大凡陛下所以減價者非欲以與小民爭此毫末豈以其無用而厚費也如知其無用何必更索惡其厚費則如勿買且內庭故事每遇放燈不過令內東門雜物務臨時收買數百既少又無拘收督迫之嚴費用不多民亦無憾故臣願追還前命凡悉如舊京城百姓不慣侵擾恩德已厚然議易生可不謹歟可下畏

歟近日小人妄造非語士人有展年科場之說商賈有京城
權酒之議吏憂減俸兵憂減廩雖此數事朝廷決無然致此
紛紛亦有以見 陛下勤恤之德未信於下而有司聚斂之
意或形於民當責已自求以消譏戾之口而臺官又劾陛下
以嚴刑悍吏捕而戮之虧損聖德莫大於此而又重以買燈
之事使得因緣以爲口實臣實惜之方今百冗未除物力凋
弊陛下縱出內帑財物不用大司農錢而內帑所儲孰非
三力莫其平時耗於不急之用曷若留貯以待乏絕之供故
三願 陛下將來放燈與凡游觀苑囿宴好賜予之類皆飭
三司務從儉約頃者詔旨裁減皇族恩例此實 陛下至明
三事所以示計遠慮割愛爲民然竊揆其間不能無少望於
陛下 陛下自刻薄以自足之使知人主巨猶若此而况於
三事乎夫昔者自寶亦且再然昔唐太宗遣使往涼州諷李大
亮使臣之厚禮大亮不可太宗深嘉之詔曰有臣若此朕復何
憂矣 陛下遣使江南採鷄鵲卵則刻薄使使若水論之爲反其使
又令益州織半臂背子琵琶捍撥鐃牙合子等蘇許公不奉
詔李德裕在浙西詔造銀盃子粧具二十事織綾二千匹德
裕上疏極論亦爲罷之使 陛下內之臺諫有如此數人者
則買燈之事必須力言外之有司有如此數人者則買燈之
事必不奉旨 陛下聰明睿聖出跡素高而羣臣不以唐太
宗明皇帝事 陛下竊嘗深咎之臣在臺諫餘親見其事若又
不言臣罪大矣 陛下若教之使諫則臣又有非職之言矣

於此者忍不爲 陛下盡之若其不赦亦臣之分也
年十二月上疏直史館權開封府推官

上 宣仁皇后乞崇儉戒奢

范祖禹

臣伏以祥禫將終即吉方始服御器用內外一新奢儉之端皆由此始臣愚以爲珠璣金玉之飾錦綉纂組之工凡可以蕩心悅目者不宜有加於舊增多於前也 皇帝方嚮儒術親學問睿質自長聖性未定覩儉則儉覩奢則奢 陛下所以訓導聖德者宜動皆有法不可不謹也自古聖帝明王莫不以儉爲美德侈爲大惡帝堯所居之室土墼二尺茅茨不剪舜稱禹曰克勤于邦克儉于家孔子曰禹吾無間然矣菲飲食而致孝乎鬼神惡衣服而致美乎黻冕黻冕祭服也伊

四十一

十一卷

八

江

尹曰謹乃儉德惟懷永圖言儉之可以長乂也文王卑服即康功田功周公戒成王以先知稼穡之艱難凡此皆 陛下所宜日以啓迪 皇帝之志者也東漢明德馬皇后常服大練左右但衣布帛無香薰之飾欲以身率下前史以爲美談臣竊惟 陛下聖政度越前古必不使明德馬后專美漢朝若崇儉敦朴飭正後宮以輔養 皇帝之德使目不視靡曼之色耳不聽淫哇之音非禮不言非禮不動則學問日益聖德日隆此宗社無疆之福也孔子曰少成若天性習貫如自然老子曰不見可欲使心不亂古語有之曰貴不與驕期而驕自生富不與奢期而奢自至夫少習儉約長猶侈靡少習侈靡長將若何今天下之大生民之衆繫在 陛下陛下儉

於上則百姓富於下 陛下奢於上則百姓貧於下比年以來天災流行年穀不熟國用虛乏百姓困弊幸賴 陛下勤恤民隱存養休息視之如子有所不便輒弛禁以利民民方有樂生之意小康之望當今之務宜痛為節約昭示儉朴以率天下自古為國未有不先儉而能致四海富實者也漢文皇帝身衣弋綿慎夫人衣不曳地帷帳不得文繡以示敦朴為天下先景帝導業務農訓儉以雕文刻鏤傷農害錫繡纂組害女工下詔戒之故太倉之粟陳陳相因紅腐而不可食都內之錢貫朽而不可校稱賢君必曰文景以比周之成康及其妻微民心思漢而不能忘以文景恭儉德澤及長者深也 臣願 陛下上觀帝堯舜禹文王之法考伊尹周公孔子之言下視文景之效則 皇帝少而習之長而安之唯知儉約不知侈靡他日海內富庶自今日儉德為之始生民之類受陛下之賜豈有窮極哉臣竊聞奉宸庫已取珠子至六十斤戶部已用金至三千六百兩不為不多矣臣所以先事而言者恐增加無已滋長侈心也唐太宗問褚遂良曰舜造漆器禹雕其俎諫者十餘人何也遂良對曰奢靡之始危亡之漸也漆器不已必金為之金器不已必玉為之古之諍臣必諫其漸若事已橫流則無所諫矣是以紂為象筋箕之數曰為象筋必為玉杯因思遠方珍怪之物而御之矣輿馬宮室之漸自此始不可救也古之人見微而防患如此必明皇開元之初悉取珠玉錦綉服玩之物焚之於庭以示儉德及其末

年猶以窮極奢侈天下敗亂今臣區區之愚竊以 皇帝即
吉之始若一開侈靡之端恐後日奢費之無已也故願豫為
之防止於未然臣愚不識忌諱惟 陛下裁赦 元祐二年四
月上時為著作郎兼侍講

上 哲宗論龍船費用

陳 次升

臣伏聞金明池所造龍船費用萬貫不少肆為侈靡窮極工
巧必非 陛下之意也臣觀書之稱禹曰克勤于邦克儉于
家以禹之德非無可稱也而所稱者勤儉而已蓋以有天下
非不足於財也而必審於用者欲示勤朴以先天下故也恭
惟 陛下躬末世之資襲 祖宗之慶勤儉過於夏禹天下
所共仰有司不能宣明 陛下德意所造不乘之舟其費如

聖

一

十

東

此而游幸之日天乃大風豈非愛佑 陛下而使覺悟有司
之過乎茲事已往雖不可救亦足以為來者之戒伏望 聖
慈今後如有興造乞敕有司無令過度庶免虧損 陛下儉
素之德不勝幸甚 紹聖四年三月二十二時為殿中侍御史

上 徽宗論說物害治

江 公望

臣聞理無隱而不彰事無晦而不顯言君子之樞機故不可
不謹居其室出其言善則千里之外應之況其適者乎居其
室出其言不善則千里之外違之况其適者乎惟君為風下
民為草草上之風不有不偃者也故有所不言言無不彰有
所不為為無不顯君唱之下民未有不應者也 陛下居九
重之中可謂崇深閑遠臣民耳目之所不接一有出言不審

不彰一有所爲未嘗不顯蓋民離之則愚合之則神合衆論則崇深閔遠者皆得而知之皆得而議之臣側聞陛下邇來政事之暇蓄能鳴善鬪之禽籠奇羽佳喙之鳥以資賞翫之習使誠有之亦未足以害治也然臣讀書至於五子之歌知大康之失邦不過內作色荒外作禽荒而已所謂禽荒不必馳騁畋獵然後爲荒也心有欲而不禁則志荒志荒則政怠矣昔唐太宗之臺一時使有諷李大亮以名鷹爲獻而大亮密表以陛下絕畋獵久矣求鷹必非陛下意而太宗悅其正諫元宗遣使求鳩鵲鴻鸛於南方而倪若水上言以賤人貴鳥非所以望陛下而元宗賞其說向使二君縱欲而無度拒諫而不改豈復有正觀開元之盛治乎若以爲資房闈之

悅豈不聞華陽后樊姬之所爲乎秦主好淫聲而華陽后爲不聽鄭衛之樂楚嚴好畋獵而樊姬爲不食鳥獸之肉口非惡味也耳非惡聲也抑所好以率二君於無過之地爾中宮淑質徽音母儀天下未聞有過舉重出於陛下爲之中宮當以華陽后樊姬之事以相警戒矣若事出於中宮以資戲樂陛下當以閔睢求賢尊傳以相規正故刑于二女所以爲大舜刑于寡妻所以美文王歟惟陛下財幸建中靖國元年七月上時爲左司諫

上 徽宗諫獵

江公望

臣聞邇日傳聞道路之言有姓賈中貴人臂鷓鴣入後苑捕逐禽鳥臣未之信豈有禁御之中雖是近習之人敢肆猖獗

一至於此徐思之必有伺得 聖意然後敢爾再思之 陛下未應至此然終疑而不釋也 陛下所以得天下者以仁而已豈有仁者之君而務游畋者乎又况 陛下即政方踰年未明求衣日昃不食刻意勵志好賢樂善聽言從諫期底于道尚恐負宗廟社稷之靈無以慰天下蒼生之望豈復有暇逐禽獸為樂乎春蒐又狩特重於宗廟之禮毀如覆巢尤戒於生誕滋育之時豈有仁者之君不因奉先祭祀而於生誕滋育可戒之時為毀如覆巢之虐乎千金之子尚有垂堂之戒萬乘之主豈無犯車之虞和鑿之節清道而行猶慮於銜檄之變况馳騁驅逐與禽獸爭道於萬死一生之地豈不殆哉豈有仁者之君不自愛重而為虞人之所為乎得一禽

則喧呼號歡分賜金帛不恤其費豈有仁者之君輕百姓之膏血以重微禽之軀乎臣以此揆之 陛下必不然也雖然與其後事而引悔孰若先事而知戒此臣所以不惜萬死雖得之傳聞之不審亦為 陛下道而不敢隱也五子之歌曰內作色荒外作禽荒有一於此未或不亡老聃曰馳騁田獵令人心發狂心狂志荒何事不忘莊周曰用志不分乃疑於神志分於外神亦隨之神志不一何事不失王者之治斷可識矣夫鳥託深林獸育豐草魚鼈不亂於網罟草木不夭於斤斧人不苦於苛政斯乃仁者之君所以治天下之道也昔文王有靈德故麀鹿白鳥在其囿而有濯濯翯翯之態魚在其沼而得充牣跳躍之樂 陛下不大苑囿之奉數畝之地

蠢動飛走恃 陛下天地之仁德依 陛下日月之末光生
誕滋育得性之樂不異於文王之囿今反張喙橫羽延喘假
息於馳驅嗥噪之餘碎首決心飛毛灑血於猛鷲爪翮之下
數畝之地依 陛下尚不得保全其生况四海九州山林川
澤之廣遠何以逃無辜夭折之禍哉蠢動雖微與人同一性
也生植雖遠與人同一理也以強并弱以貴吞賤以其不能
告誡殺之若無罪豈不思易所謂信及豚魚詩之仁及草木
果何理也嘗聞荆文公得如黃之狗籟箬之鏞敗於雲夢三
月不反聽保申之諫受東矢之咎務治乎荆兼國三十非師
保之訓則國亡矣元宗嘗獵苑中必親左右曰宰相韓休知
否已而疏輒至非宰相之言則社稷計已矣司馬相如賦上

林以諷漢武帝揚雄作羽獵以諫成帝言近而指遠詞婉而
意迫孰謂詞臣無補於國也詩有刺虜有箴皆以游畋之無
益於治祗取亂亡爾今 陛下師保不陳訓宰相不抗疏詞
臣不獻賦書無歌詩無刺虜人無箴所賴以知過失者諫臣
爾臣或不言 陛下如宗廟社稷何如天下蒼生何臣言縱
不實亦足以爲異日之鑒唐高祖喜走馬射帖孫伏伽進諫
以謂此直少年諸王務爾既爲天子尚行之乎齊威公以酒
腐於俎得無害霸乎管仲以此固非善然無害霸也夫從禽
止少年諸王務也 陛下一日爲之未足以害政第以天子
爲諸王少年之務何自輕乃爾非萬乘取重於天下之道也
傳有之耕道而得道獵德而得德臣願 陛下驅騫於仁義

之湯游觀於六經之圃網多士弋羣凶天字掃清王道砥平
天下之望也社稷示廟之福也上下天威自速誅戮
下衿其以諫為職少貸狂易天下幸甚建中靖國元年上時
為左司諫

國朝諸臣奏議卷第十一

